

16 DANA AKTIVIZMA PROTIV RODNO POVEZANOG NASILJA

25. novembar – 10. decembar 2010.



TEMA KAMPANJE ZA 2010. GODINU

Ove godine se obilježava dvadesetogodišnjica kampanje: “16 dana aktivizma protiv rodno povezanog nasilja”. Ovaj značajan jubilej Centar za globalno liderstvo žena (CWGL) će iskoristiti za razmatranje novih načina za korištenje kampanje za transformativnu promjenu. Godinu za godinom, novi partneri se pridružuju kampanji usmjeravajući tako lokalnu, nacionalnu, i globalnu pažnju na različite vrste nasilja s kojim se žene suočavaju. Pažnja koju je rodno povezano nasilje dobilo na međunarodnim forumima je svjedočanstvo moćnih akcija aktivista i aktivistica za ženska prava širom svijeta. Ipak, uprkos jačanju svijesti javnosti, žene su i dalje podvrgnute nasilju u zabrinjavajućem broju, a istovremeno se pojavljuju nove vrste nasilja. Mi, koji se borimo za ženska ljudska prava imamo obavezu da bolje pogledamo postojeće strukture koje dozvoljavaju da rodno utemeljeno nasilje postoji i istrajava. Nakon brojnih konsultacija sa aktivistima i aktivistkinjama, organizacijama i ekspertima i eksperticama iz cijeloga svijeta, kao jedna od ključnih struktura koja proizvodi nasilje prepoznat je militarizam

Postoje brojne različite definicije militarizma, dok naša radna definicija označava militarizam kao ideologiju koja stvara kulturu straha i podržava korištenje nasilja, agresije ili vojnih intervencija za rješavanje sukoba i postizanje ekonomskih i političkih ciljeva. Radi se o psihologiji koja često ima ozbiljne posljedice po istinsku sigurnost i bezbjednost žene i društva uopće. Militarizam je osoben način gledanja na svijet; on ima utjecaja na način na koji ćemo vidjeti naše susjede, porodice, javni život i druge ljude na svijetu. Prigrbliti militarizam znači pretpostavljati da svako ima neprijatelje i da je nasilje efikasan način rješavanja problema. Ne suočiti se sa militarističkim načinom razmišljanja podrazumijeva privilegiranje određenih oblika muškosti, čvrsto ukorjenjivanje globalnih hijerarhija moći, omogućavanje počiniteljima nasilja nad ženama u ratu da prođu nekažnjeno. Suočiti se sa militarizmom znači potaći sveobuhvatnije ideje o iskonskoj sigurnosti, dovesti više žena u javni život, izgraditi svijet ne na kompetitivnoj prodaji oružja, nego na iskonskim odnosima povjerenja i saradnje.

Postoji potreba da se na militaristička uvjerenja odgovori u svim našim društvima. Militarizam ima materijalne i institucionalne, kao i kulturalne i psihološke posljedice koje je nešto teže izvagati. Ratovi, unutrašnji sukobi i nasilna represija političkih i društvenih pokreta – a koji su svi rezultat kulture militarizma – imaju osoben i često neproporcionalan utjecaj na žene. Silovanje se koristi kao taktika ratovanja da proizvede strah i ponizi žene i njihove društvene zajednice. Ali spolno nasilje je samo jedan od oblika nasilja koje žene i djevojčice trpe tokom kontinuiteta nasilja prije, tokom i nakon sukoba. Militarizam ne počinje, niti završava u ratnim zonama, niti se ograničava na javnu sferu. Porodice militarističkih muškaraca i žena prolaze kroz nasilje u svojim domovima, gdje su “ratni zločini” i oružano nasilje u porodici skriveni od oka javnosti, a žene u vojsci lako postaju žrtve seksualnih napada svojih saboraca. Čak i mjesta koja nisu direktno izložena sukobu, nisu izuzeta od militarizma: oni šalju svoje trupe, proizvode i prodaju oružje i investiraju u vojske stranih država umjesto da podržavaju napore usmjerene na razvoj. Ovakve vlade imaju izokrenute prioritete, kroz potrošnju ogromnog postotka budžetskih sredstava na vojsku i naoružanje umjesto na društvene službe, poput obrazovanja, zdravstvene zaštite, zaposlenosti i razvoja koji bi osigurao istinski osjećaj sigurnosti za žene. Zbog svih ovih razloga, za međunarodnu temu kampanje 16 dana za 2010. godinu izabrane su:

Strukture nasilja: Definiranje međusobne povezanosti militarizma i nasilja nad ženama

Prema predviđanjima CWGL, tema o međusobnoj povezanosti militarizma i nasilja će predstavljati višegodišnji projekat. Radujemo se lansiranju kampanje u 2010. godini i korištenju ove mogućnosti za prikupljanje informacija od vas o vašim pojedinačnim i kolektivnim iskustvima militarizma, što će nam pomoći da razvijemo robusniju strategiju za buduće kampanje. Molimo vas da se priključite CWGL, jer mi podržavamo koordiniranu, globalnu, feminističku kritiku militarizma i nasilja koje proizvodi.

Cijenimo da tema ove kampanje neće biti jednostavna za realizaciju, i svjesni smo toga da će mnoge aktivistice i aktivisti biti izloženi mjerama protiv njihovog rada. CWGL podstiče aktivistice i aktiviste da prilikom rada na kampanji uvijek vode računa o svojoj sigurnosti. Za one relativno nove u kampanjama, kao i one koji smatraju da je bolje da usmjere svoje napore ka generalnoj senzibilizaciji u vezi sa rodno utemeljenim nasiljem i ljudskim pravima, ili onima koji ne mogu otvoreno raditi na militarizmu, CWGL će i dalje osiguravati izvore i informacije.

The 16 Days of Activism Against Gender Violence is coordinated by
the Center for Women's Global Leadership

160 Ryders Lane, Rutgers University, New Brunswick, NJ 08901-8555 USA;
(1-732) 932-8782; cwgl@rci.rutgers.edu; <http://www.cwgl.rutgers.edu>

Primjeri problema na koje se kampanja može fokusirati?

- Diskusija o “izvornoj sigurnosti” i rodnoj pravdi
- Ekonomske posljedice rata na žene
- Uloga žena u mirovnim pregovorima, izgradnji mira, diplomatiji i donošenju odluka
- Porast broja lakog oružja i uloga oružja u nasilju u porodici
- Naknada štete, oporavak i pomirenje
- Globalna proizvodnja i prodaja oružja
- Nasilje u porodici počinjeno od strane vojnih lica
- Seksualno nasilje i seksualno ropstvo u situacijama sukoba
- Zloupotreba seksualnih i reproduktivnih prava u situacijama sukoba
- Seksualno nasilje unutar vojske
- Imunitet vojnog osoblja u slučajevima nasilja protiv žena
- Ranjivost žena i djevojčica kao izbjeglica i raseljenih lica
- Žene i djevojčice borkinje
- Nasilja počinjena od strane snaga održavanja mira
- Nasilje i zlostavljanje žena koje žive oko vojnih baza
- Upotreba sile od strane vladinih institucija protiv civila, suzbijanje pro-demokratskih pokreta
- Suzbijanje vladavine prava i osnovnih ljudskih prava tokom “vanrednih stanja”
- Korištenje ‘anti-terorističkih’ zakona za ušutkivanje braniteljica ljudskih prava
- Nasilje u zajednici i protesti
- Veze između militarizma i konzervativnih religijskih snaga
- Zagađenje okoliša tokom vojnih operacija i njegove posljedice po žene i djecu
- Vladina potrošnja za vojne svrhe – analiza troškova u poređenju sa socijalnim programima
- Militantne političke snage i društvene institucije (škole, javna mjesta, isl.)
- Pošaljite nam svoje ideje!

RESURSI ZA KAMPANJU 16 DANA AKTIVIZMA U 2010.G.

Centar za globalno liderstvo žena (CWGL) je u procesu pripreme resursa i materijala za kampanju, koji će obezbjediti informacije o temi i preporuke za planiranje vaših aktivnosti tokom Kampanje. CWGL će objaviti ove resurse na web stranici Kampanje 16 Dana aktivizma tokom mjeseci prije same Kampanje. Vi takođe možete pisati koordinatorici Kampanje (16days@cwgl.rutgers.edu) sa zahtjevom za dobijanje kopije ovih materijala. Kao i uvijek, informacije i resursi u okviru različitih tematskih područja u vezi sa nasiljem protiv žena će biti dostupni na web stranici Kampanje 16 Dana aktivizma za učesnike/ce kojile se fokusiraju na druge teme.

Pridružite se pokretu 16 Dana aktivizma!

Kreirajte ili se pridružite se aktivnosti koja će se organizovati kao dio 16 Dana aktivizma u okviru vaše zajednice, kampusa, zemlje, ili na međunarodnom nivou (prijavite se ovdje: https://email.rutgers.edu/mailman/listinfo/16days_discussion), i koristite prošle međunarodne kalendare aktivnosti tokom 16 Dana aktivizma (koji su dostupni na web stranici Kampanje) kako biste dobili ideje za vaše aktivnosti ili pronašli informacije o organizacijama u vašoj regiji. Kako se novembar približava, ne zaboravite da pošaljete svoje planove za aktivnosti tokom Kampanje CWGL-u, kako bismo ih mogli uvrstiti u Međunarodni kalendar aktivnosti 2010.g. i kako biste postali dio globalnog pokreta 16 Dana aktivizma.

Pogledajte web stranicu!

Ukoliko biste željeli više informacija o međunarodnoj kampanji 16 Dana aktivizma, molimo vas da posjetite web stranicu <http://www.cwgl.rutgers.edu/16days/home.html> Možete takođe pogledati slike sa predhodnih kampanja 16 Dana aktivizma na Flickr <http://www.flickr.com/photos/18578511@N04/>.

Pronađite nas na Facebooku!

Pridružite se kampanji na Facebooku putem pretrage za “The Official 16 Days of Activism Against Gender Violence Campaign,” i postanite fan! Postavljaćemo vijesti, slike, video linkove i druge zabavne činjenice o tome na čemu aktivisti i aktivistkinje rade širom svijeta. Ne zaboravite da podjelite svoje misli i ideje takođe!

16 Dana aktivizma rodno povezanog nasilja je međunarodna kampanja koja potiče od prvog Globalnog liderskog instituta žena, koji je podržan od Centra za globalno liderstvo žena (CWGL) na Rutgers univerzitetu 1991.g. Učesnici i učesnice koriste datume između 25. novembra, Međunarodnog dana borbe protiv nasilja protiv žena i 10. decembra, Međunarodnog dana ljudskih prava, kako bi simbolično povezali/le nasilje protiv žena i ljudska prava i naglasili da takvo nasilje predstavlja kršenje ljudskih prava.

Translation kindly provided by Aleksandra Miletic-Santic (Mission Gender and Human Rights Advisor & Legal Advisor – EU Police Mission in BiH) and Aleksandra Petric (United Women Banja Luka)